



**CONSELHO NASIONAL DA JUVENTUDE DE TIMOR-LESTE
C N J T L**

Sekretariado Farol Dili, Timor Leste
Email : cnjtl_02@gmail.com Hp. 7237936/7281665

**Leovigildo da Costa Hornai
Preisidente CNJTL**

**Intervensaun iha enkontru parseiru desenvolvimento loron 7-8 fulan Abril
tinan 2010**

Excelencia Sr. Premeiru Ministru, membru Governu, Major Jeral F-FDTL.
Komd Geral PNTL no Prokuradoria Geral, Distintu Membru Parlamentu
Nacional

Exelência Presidente Tribunal Rekursu

Exelência Xefe CAC no Provedoria Direitu Humanus

Exelência Represetante Sekretario Geral ONU

Exelência Sr/a Embaxador/a

Exelência Representante Sociedade Civil

Exelência belun observadores no media nacional no internasional

Ohin povo Timor Leste merese fo apresiasaun dala ida tan ba Governu no belun pais doadores sira nebe mak ho sira determinasaun, la baruk no la para hodi fo apoia assistensia tekniku no financial ba povo Timor Leste liu husi servisu hamutuk ho Governu RDTL no sociedade civil Timor Leste hodi promove desenvolvimento iha nasaun jovens Timor Leste,

Exelência Konvidadus no partisipantes tomak mak hau respeita.

Partisipasaun iha desenvolvimento ne'e sai responsabilidade ba sidadaun Timor Leste nian tomak, tan nasaun ida atu sai forte no hetan nia objetivu lolos dalan diak mak entidade hotu-hotu presiza fo nia konstruibisaun iha nivel sai deit tan partisipasaun diak no sustentavel sei fo benifisiu ba ita tomak no nasaun. Tanba ne'e iha kontekstu Timor Leste nian dezenvolvimentu ida ne'e fo liu atensaun ka prioridade ba kestaun atu stimula kresimentu ekonomiku nasaun nian no Timor oan ida-idak nian no kestaun seluk ita hare

dezenvolvimentu mosu tanba mayoria populasaun Timor Leste sei moris hela iha linha pobreza nia okos. Atu hamenus no hadia vida povu no nasaun ida nian presiza iha política ida nebe mak bele investe iha rekursu humanu/edukasaun, infra strutura, no sétor sira seluk. Tanba ne'e mak presiza iha planu strategiku iha preiodu ukun ka governasaun ida laran atu ita bele difini meta no targetu nebe mak integradu, sustentavel ho objetivu atu liberta povu husi mukit,

Conselho Nacional da Juventude de Timor Leste nudar organizasaun mahan ba organizasaun juvenil Timor Leste sempre hola parte iha actividades estado nian, tan Conselho Nacional da Juventude de Timor Leste rekoiñese katak Timor Leste iha tinan 2009 hanesan tinan atu dedika-an ba rekonsiliaaun, konsolidasaun estabilizasaun nacional, unidade nacional atu nune'e nasaun Timor Leste bele prene prosessu desenvolvimentu nacional husi aspeito hotu-hotu. Ida ne'e signifika orgaun Estado no sociedade civil tenke hola papel bo'ot liu tan hodi tulun estado hodi hari fila fali unidade no estabilidade ba rai doben Timor Leste, liu housi dalan hirak ne'e bele fo fali konfiansa povo nian liu-liu jovens sira ba ita ida-idak nia organizasaun hodi kaer kna'ar fundamental hanesan promotor ba unidade nacional, paz, estabilidade no desenvolvimento husi aspeito físiku no humanidade. Ita hotu-hotu hatene katak iha tinan tolu kotuk ba (2006-2007) tinan nebe nakonu ho kompleksidade, problema no dezafiu oi-oin maibe tinan rua nebe ita liu tia ona, organizasaun arte marciais no sociedade civil tenque hare hanesan tinan ida nebe fanun ita no bolu atensaun mai ita hotu atu halo reflesaun hodi hare ba oin, nakonu ho esperito sentidu estado liu housi assaun no kontribuisaun hodi assigura estado Timor Leste nebe demokrátiku no progresivu ba moris diak povo nian.

Tan foin sa'e hanesan gerasaun foun nebe mak sei tane nasaun nia distinu iha futuro, hare ba fenomena sira nebe mak refere nasaun presiza duni promove jovens iha desenvolvimentu nasaun, tamba nasaun demokratiku sempre fo fatin barak no diak ba nia jovens atu promove nia kapasidade ho libre, tan foin sa'e sai integrante husi evolusaun mundu no aspeitu oin-oin, tamba ne'e foin sa'e tenke prepara-an hodi

hasoru ka simu evolusaun nebe mak positivu no refleta duni filosofia rai ida nebe mak nia moris ka mai ba.

Tamba ne'e foin sa'e tenke kompleta- an ho simu transferensia nebe mak karik mai iha gersaun foun, maibe buat ida importante no interesante mak jersaun foun tenke aprende no husi esperensia nebe mak positivu husi ita jersaun tuan so ho dalan ida ne'e mak ita bele simu stafeta ho dignidade atu halo kompetisaun iha era globalizasaun no siensia teknolojia ne'e kondisoens ida nebe ita nudar nasaun independente iha era seculo XXI no milenium III hakarak ka lakoi tenke prontu atu simu realidade ho prodensia no seletivu .

Desenvolvimentu iha areia foin sa'e hanesan parte integral husi orientasaun no tarjetu desenvolvimentu humanu nebe kompletu signifika katak desenvolvimentu ne'e tenke hare iha kontestu global nasaun nian no kompletu labele separah fali, tan prosesu desenvolvimentu foin sa'e ne'e mak lao diak no konsisten sei fo beneficiu ida bo'ot no sukesu ba aspeitu seluk tan iha interdependencia no hanesan savi ida atu bele loke oportunidade.

Exelência

Konkluzoan

Ikus mai atu dezvoltamentu nasaun ida ne'e bele lao diak no iha sustentabilidade efektivu no efikasias presizas mos iha estabilidade, tan paradigma estabilidade mak sai prekondisoens ba konsolida desenvolvimento iha aspeto hotu. Ne'e duni, mai ita hotu kontribui ba desenvolve foin sa'e Timor Leste hodi sai hanesan foin sa'e nebe mak independente, demokratiku, respeito valores direito humanus, kbit siensia no tenologia nebe mak lida ba moral spiritual. Signifika jovens feto ka mane tenke hola disisaun ba nia vida ho prinsipio livre labele hein no tenke buka hasoru ho dignidade no responsavel atu nune'e jovens feto ka mane pronto sai autor ba paz, rekonsiliador, unifikador ba faksuun hotu iha nasaun RDTL atu nune'e ita bele moris iha sociedade ida nebe libre, tuir lei no toleransia.

Planu strategia Estado Timor Leste atu hetan susesu CNJTL fo solusaun/rekomendasaun pratika hanesan tuir mai:

1. Atu garante desenvolvimentu sustentavel hasa'e krisimetu ekonomik estado Timor Leste tenke brani halo investimentu iha sétor intrastrutura sétor agrikultura, turismu, edukasaun no sétor selevantes sira seluk atu nuneé Timor Leste labele dependente deit ba mina
2. Tenke promove politika boagovernasaun, transparancia no akontabilidade iha ezekusaun orsamentu estadu no ho konsistente halo reforma mentalidade servidor estadu;
3. Tenke hodi koruptor sira ba hatan iha tribunal no tenke hatama iha kadeia
4. Governante no lideres instituisoens estado (xefe Procurament, Direktores) nia tenke publika sira nia riku soim ba publiku liu husi mekanismu legal nebe mak RDTL adopta
5. Timor Leste tenke iha politika atu garante soberania aihan no tenke iha strategia hodi hamenus dependencia importasaun fos husi rai liur
6. Governu karik bele la bele deve lai bainhira reforma no mentalidade servidor estado nian sidauk prontu
7. Esado Timor Leste tenke aloka orsamentu estadu hodi desenvolve TETUN
8. Governu tenke halo auditoria no fiskalizasaun ba organizasaun sociedade civil nebe hetan fundus husi asesoria sociedade civil atu nuneé garante ezekusaun ho transparansia no akontabilidade

Rekomendasaun ba doadores:

1. Hadia mekanismu no promove kordenasaun diak liu tan ho governu relasiona ho implementasaun programa doadores nian;
2. Buka servisu hamutuk ho organizasaun mahan/payung national hanesan Forum ONG hodi dezeñu planu tenke mai husi baze laos mai dehan tenke halo ida neé halo ida neba;

Viva Timor Ida Deit

Viva Juventude Ida deit

Viva Unidade Nacional